

rendissimo Gran cauzelier andarà in Fiorenza per veder di tratar qualche sesto : dice, va per veder. *Item*, è zonta la ratification di la paxe et liga fata per re Ferrando. Scriveno come l'andata di Cesare in Germania cussì presto è per tre cause : la prima per le cose lutheriane, la seconda per intertenir che li Elettori de l'Imperio per adesso non fazino re dei Romani, aziò col tempo possino far suo fiol, *tamen* non pol elezer re che habi manco di 11 anni, et suo fiol Filippo infante ha *solum* . . . anni.

Di Verona, di rectori et sier Polo Nani et sier Zuan Dolfin proveditori generali, di heri. Zerca li ordeni hanno dato in la terra et fuora per la venuta de l'imperator, *ut in litteris*.

Da poi disnar, fo Gran Conseio ; non fu il Serenissimo, vice doxe sier Alvise Malipiero.

Fu posto, per li Consieri et Cai di XL, la parte presa in Pregadi a dì 12, di far uno capitano di le fuste in Golfo per 4 man di eletion. Fu presa. Ave :

.....
Fu lecto, per Piero Dandolo nodaro di l'Avo-garia, la parte presa heri in Pregadi, zerca le pompe di le donne, a notitia di tutti.

Fu fato censor in luogo di sier Francesco da Leze, intrò zà più di doe mexi proveditor al Sal, sier Francesco Arimondo fo proveditor al Sal, qu. sier Nicolò, et fo chiamà a zurar, et introe subito. Fu fato altre 8 voxe et tutte passoe.

In questo zorno zonse qui la galla, sóracomito sier Marchiò Trivixan qu. sier Vincenzo, deputata andar con l'orator nostro, va a Constantinopoli, insieme con la galla soracomito sier Hironimo Contarini *da san Beneto*, qual *etiam* è qui, sichè tute do è a San Marco.

Di Bergamo, vidi lettere, di 17. Come in la terra erano venuti alcuni lovi, et hozi era stà preso uno grande, si aterde a voler prender li altri ; cosa di far memoria.

In questa matina li oratori del duca di Savoia si partirono, ai qual fo dato il presente di raso negro, et vanno a la volta di

34* *A dì 21, la matina.* Non fo nulla da novo, *solum* da Cival di Bellun si have aviso, che la peste era venuta de li per via di Treviso, et in caxa del podestà et capitano sier Domenego Michiel era intrata, et morta una massara, et

Fu fato, in Collegio, patron di la fusta sier Ambraoso Contarini fo patron di fusta qu. sier An-

drea, et proveditor sora le acque di padoana sier Sebastian Barbo savio ai Ordeni qu. sier Faustin, di 3 balote da sier Nicolò Trivixan fo proveditor executur in Puia qu. sier Piero. Li scurtini sarano qui sotto.

Da poi disnar, fo Conseio di X con le do Zonte, ma perchè alcune scritture date per Francesco So-vergnan, che l' conte Hironimo havia voluto dar Oxopo a l'imperador, et non era aprovado, *unde* fo bisogno prima verificarle, et però fo licentià la ditta Zonta.

Da poi, con l'altra Zonta, fo spazà alcune cose particular, et fu preso che sier Piero Venier qu. sier Zuane possi venir in Pregadi, in luogo di sier Andrea so fradello, che non vol più venir.

Et licentiata la Zonta, rimase il Conseio semplice con Zonta di Collegio, et fu preso donar a Vincenzo Fedel secretario ducati 50.

In questo zorno zonseno in porto tre galie sotil, venute a disarmar, sier Domenego Bembo qu. sier Hironimo, sier Lorenzo Sanudo qu. sier Anzolo, sier Sebastian Salamon qu. sier Vido.

In questa matina li oratori de l'imperador andono a veder l'Arsenal, et li fo mandati alcuni zentilhomeni vestiti di scarlato a farli compagnia, et li fono molto honorati.

In questa matina in la Quarantia Criminal et Civil vechia fo principiato il caxo di sier Andrea Loredan fo podestà et capitano a Crema et era podestà a Brexa, et sier Luca Loredan era podestà et capitano a Crema, et introduse il caso sier Marchiò Michiel avogador, a cui tocò il Collegio, et fo dato principio a lezer le scritture, le qual sono carte numero

A dì 21 marzo 1530. In Collegio. 35

Provedador sora le acque di padoana con ducati 60 al mexe per tre mexi, iusta le parte, in luogo di sier Sebastian Renier, ha refudado.

Sier Nicolò Boldù el savio ai Ordini,
qu. sier Hironimo. 12. 11

Sier Antonio Marzelo il cao di XL,
qu. sier Anzolo 14. 9

Sier Agustin da Canal fo proveditor
a Roman, qu. sier Polo 9. 14

† Sier Sebastiano Barbo savio ai Or-
deni, qu. sier Faustin 19. 4

Sier Nicolò Trivixan fo executur in
Puia, qu. sier Piero 15. 8